

欽定大清會典事例

欽定大清會典事例卷四百三十五

禮部

中祀

直省祭  
帝王陵寢

帝王陵寢  
修葺陵廟

直省防護

直省祭

帝王陵寢。順治初年定直省守土官祭

歷代帝王陵寢。河南淮甯縣祭

太昊伏羲氏陵。山西趙城縣祭

女媧氏陵。湖南邛縣祭

炎帝神農氏陵。陝西中部縣祭

黃帝軒轅氏陵。山東曲阜縣祭

少昊金天氏陵河南滑縣祭

顓頊高陽氏陵

帝嚳高辛氏陵山東東平州祭

帝堯陶唐氏陵湖南甯遠縣祭

帝舜有虞氏陵浙江會稽縣祭

夏王禹陵山西榮河縣祭

商王湯陵河南內黃縣祭

商中宗陵西華縣祭

商高宗陵陝西咸陽縣祭

周文王武王成王康王陵涇陽縣祭

漢高祖陵咸甯縣祭

漢文帝陵長安縣祭

漢宣帝陵河南孟津縣祭

漢光武帝陵陝西富平縣祭

後魏孝文帝陵三原縣祭

唐高祖陵醴泉縣祭

唐太宗陵蒲城縣祭

唐憲宗陵涇陽縣祭

唐宣宗陵河南鄭州祭

後周世宗陵鞏縣祭

宋太祖太宗真宗仁宗陵遼東廣甯衛縣今改祭

遼太祖陵順天房山縣祭

金太祖世宗陵宛平縣以今定於清河以北昌平州祭

元太祖世祖陵江南江甯縣祭

明太祖陵順天昌平州祭

明宣宗孝宗世宗陵每歲以春秋仲月致祭各帛一

羊一豕一登一釧二簋二籩十豆十尊一

爵三凡祭皆就饗殿行禮或因陵寢處所設壇

惟

元太祖世祖陵望祭○二年○

命房山縣知縣祭

金太祖世宗陵。於常用祭品外。加太牢。○是年復

命房山縣知縣祭

金太祖世宗陵。○又

諭故明十二陵。每陵太監二名壯丁八名看守。每年令

守陵太監致祭。其太常寺及知縣。不必遣祭。○康熙

元年

諭歷代帝王陵寢。原有祀典。理宜虔肅舉行。以昭追崇  
之意。聞明朝陵向所給守護內監人戶地畝數少。致  
各陵祭品備辦不敷。止於大紅門外總祭。殊於朕懷

未愜嗣後萬厯陵不祭外每年應春秋二次太常寺  
差官致祭金朝陵亦每年春秋太常寺遣官致祭其  
元朝陵未知定所應行望祭禮至前代各陵近者亦  
應春秋差官致祭遠者著各該地方官春秋致祭欽  
此遵

旨議定直省所在

帝王陵寢每歲春秋仲月一體令守土正印官一人  
致祭其行禮儀節與因事祭告遣官同。乾隆  
元年議准

帝堯陵在濮州城東南六十里古雷澤之東地為穀

林即舊址加修照例設守陵陵戶春秋二季按期祭饗嗣後遇祭告大典遣官往穀林致祭行禮至東平一陵或係昔時衣冠弓劍之所藏仍飭有司以時展祀毋致褻越○十四年覆准唐虞五臣惟契未列祀典嗣後於山西榮河縣

成湯廟後別建後殿供奉有商始祖唐司徒神位如先師廟崇聖祠之制每歲春秋令有司官一人致祭所用祭品照例報部覈銷○十七年覆准山西趙城縣

女媧氏陵寢殿中安塑女像聽任鄉愚求嗣酬願誠



屬黷慢不經。令該撫飭地方官將舊像撤去。改立神牌。安設寢殿。春秋以時展祀。禁絕私祈。○  
又覆准陝西蒲城縣

唐憲宗陵。向無饗殿。神路前碑碣鱗次。阻塞甬道。以致祝帛側出焚燎。有礙觀瞻。令地方官量為移置。俾與體制相協。○四十一年議准。謹案

堯陵之見於正史者。兩漢書地理志並云。濟陰郡成陽有堯冢。靈臺。劉向傳稱堯葬濟陰。晉書地理志云。成陽舜所漁。堯冢在西。宋史禮志云。堯陵在濮州雷澤縣東穀林山。又呂氏春秋。皇甫謐

帝王世紀酈道元水經注所引郭緣生述征記  
唐魏王泰括地志樂史太平寰宇記羅泌路史  
歐陽修集古錄諸說皆與正史相符自後漢元  
和以後祀陵之典並於其地舉行明洪武雖改  
祀東平而隸山東境則一也乾隆初年

特允撫臣所請於濮州之穀林定為堯陵故址釐正修  
葺稽古定議萬世遵守自無疑義應請嗣後凡  
遇慶典仍當一循其舊以示隆軌而昭傳信至  
平陽一陵本處官民奉祀已久應仿東平州之  
例由該地方官以時致祭○嘉慶二十三年正

藍旗蒙古副都統一等延恩侯朱毓瑞面奉

諭旨。明歲遣官致祭五嶽四瀆。厯代帝王陵寢。奏派時  
朱毓瑞銜名亦著開列。○二十四年奉

旨。明太祖陵著派朱毓瑞前往致祭。○道光十六年

諭正白旗漢軍都統奏。本年致祭明陵侯朱貽坦出缺。  
該族中並無品級較大之員。惟有候補通判書桂。請  
即派書桂代為致祭等語。書桂品級尚小。未便致祭。  
此次著派委散秩大臣樂英致祭。嗣後春秋二季致  
祭明陵。著仍照舊派承襲侯爵之人前往致祭。如無  
襲爵之人。或另有事故不能前往。即派伊族中品級

較大之員。代為致祭。若該族亦無品級較大之員。即由該族請旨。派散秩大臣致祭。著為令。用示朕加禮前朝之意。

直省防護

帝王陵寢修葺陵廟。○順治元年。

世祖章皇帝命以禮改葬明崇禎帝。造陵寢饗殿如制。○又定。昌平州明代十二陵。每陵設內監二名。陵戶二十名。春秋二季。撥給香火口糧地共二十二頃。令虔潔禋祀。禁止樵牧。○六年題准。守明代陵寢。仍設內監酌留陵戶六名。共給地二

百畝。又定房山縣金代陵寢設陵戶五十名。  
○八年

諭順治元年定守明諸帝陵寢並祭典。因神宗與我朝有嫌故裁之。朕思前朝帝王陵寢理宜防護。況我朝凡事俱從寬厚。神宗陵著照十二陵例以時致祭。仍設太監陵戶看守。○十四年

諭禮部金代帝陵在房山縣。迨明季國衰。因我朝克取遼東。誤疑金代陵寢王氣相關。遂將地脈掘斷。又因己巳我

太宗文皇帝統師入關。念金代先德。遣王貝勒大臣往

陵致祭。復將石柱等折毀。建關帝廟鎮壓。朕思

天祚本朝於金何與。故明不思運數有歸。輒毀及金代陵寢。愚誕甚矣。金太祖世宗入帝王廟祀。其陵寢照舊守護。地方官春秋致祭外。爾部即遣官往房山縣視金陵周圍。如切近處果有毀壞。即酌量修整。其關帝廟仍存留。欽此。遵

旨修葺。工竣後。

御製碑文勒石。遣官致祭。○十六年。立明崇禎帝陵碑。

○康熙十四年

諭禮部。往代帝王陵寢所在地。方理宜守護。以安神靈。

朕近行幸湯泉道經昌平。見明朝諸陵殿宇雖存。戶牖損壞。附近樹木亦被摧殘。朕心深為憫惻。爾部即嚴加申飭。守陵人戶。令其敬謹防護。仍責令該地方官不時稽查。毋致仍前怠玩。以副朕優禮前代之意。

○三十八年覆准明代孝陵於江甯地方官內專委一人修理傾圮。○四十一年

諭織造府會同地方官動支積年節省錢糧修理會稽禹陵。○五十六年

諭朕四十年前曾經親往昌平明陵。今恐看守人等疏忽。特遣皇子大臣等前往巡視。奠拜行禮。○雍正元

年

諭朕近於

聖祖仁皇帝所遺書笥中檢得未經頒發

諭旨以明太祖崛起布衣統一方夏經文緯武為漢唐宋諸君之所未及其後嗣亦未有如前代荒淫暴虐亡國之迹欲大廓成例訪其支派一人量授官爵以奉春秋陳薦仍世襲之朕伏讀之下仰見我

聖祖仁皇帝天覆海涵深仁大度超軼萬古遠邁百王朕思史紀東樓詩歌白馬商周以來無不推恩前代後世類多疑忌以致歷代之君宗祀殄絕朕仰體



聖祖如天之心。遠法隆古盛德之事。謹將

聖祖所遺

諭旨頒發。訪求明太祖支派子姓一人。量授爵秩。俾之承襲。以奉春秋祭饗。但恐自明迄今。年代久遠。或有姦徒假冒。致生事端。大學士即會同廷臣。詳明妥議。以副

聖祖仁皇帝寬仁矜卹之至意。是日發出恭錄

聖祖仁皇帝諭旨曰。朕於宮中詳覽前史。每見開國之君。必英姿偉略。才識過人。始能創肇丕基。奄有天下。其謨謀經畫。雖詳略不同。未有不期其子孫善克。

負祿以傳永久。迨其嗣君習於晏安。隳墜先業。或縱恣嗜慾。或委任非人。遂致綱紀廢弛。滅絕宗祀。良可悼歎。明太祖天授智勇。崛起布衣。緯武經文。統一方夏。凡其制度。準今酌古。咸極周詳。非但後世莫能逾其範圍。即漢唐宋諸君。誠有所未及也。及至末葉衰頽。災荒疊見。臣工則門戶紛然。盜賊則西北遽起。京師失守。社稷傾覆。考其嗣主。實未有如前代荒淫暴虐亡國之迹。蓋亦氣數使然耶。我朝殲逐逆寇。入關定鼎。明代諸陵。特設人員守護。使不湮於荒煙蔓草者。亦已逾於舊典矣。朕三經南巡。皆詣明太祖陵親

行奠醑更令嚴禁樵牧歲加葺治。緬維明太祖曠代  
英雄超軼往昔規模典章我朝尚多徵據豈可使其  
宗祀淪絕承守無人。今宜大廓成例訪其支派一人  
量授爵秩以奉春秋陳薦仍世襲之庶可慰明太祖  
英靈於九原亦以昭朕仁厚矜卹之懷使天下後世  
咸共曉焉爾內閣大學士即會同吏禮二部確議以  
聞。○二年欽遵

聖祖仁皇帝遺命議准明代後裔有鑲白旗現任直隸  
正定府知府朱之璉乃明太祖第十三子代簡  
王嫡派譜牒明確已奉

旨授為一等侯爵世襲。即仍令於本旗居住。授爵之後。遣往江甯祭明太祖陵一次。以禮部司官一人。齋祭文同往致祭。祭文由翰林院撰擬。祭品由該地方官備辦。兵部給予勘合兵牌。祭畢回京。往昌平州祭明十三陵一次。嗣後每年春秋二季。於該旗都統處具呈。前往昌平明陵致祭。至遇有應往江甯祭明太祖陵之處。禮部屆期奏請。令其前往。應辦事宜。均照初次例行。○七年諭。自古帝王皆有功德於民。雖世代久遠。而敬禮崇奉之心。不當懈弛。其陵寢所在。乃神所憑依。尤當加意。

防衛毋使褻慢。至於往聖先賢名臣忠烈芳型永作楷模。正氣長留天壤。其祠宇塋墓亦當恭敬守護。以申仰止之忱。著各省督撫轉飭各屬將境內所有古昔陵寢祠墓。勤加巡視防護稽察。務令嚴肅潔淨。以展誠恪。若有應行修葺之處。著動用本省存公銀。委官料理。朕見歷代帝王皆有保護古昔陵寢之敕諭。而究無奉行之實。朕雍正元年恩詔內。即以修葺歷代帝王陵寢通行申飭地方。恐有司相沿積習。視為泛常。嗣後著於每年冬令。該地方官將防護無誤之處。結報督撫。該督撫造冊轉報工部彙具奏聞。儻所

報不實。一經發覺。定將該督撫及地方官分別議處。  
明太祖陵在江甯。昔我

聖祖仁皇帝屢次南巡。皆親臨祭奠。禮數加隆。著江南  
總督轉飭有司。加意防護。其明代十二陵之在昌平  
州者。自本朝定鼎以來。即設立內監陵戶。給予地畝。  
令其虔修禋祀。禁止樵牧。

聖祖仁皇帝時。屢頒諭旨。嚴行申飭。著該督轉飭昌平  
州知州。昌平營參將。委官時加巡視。務令地境之內。  
清淨整齊。儻陵戶或有不敷。著該督酌議增設。此南  
北明陵二處。亦著該督撫於每年歲終。冊報工部彙

奏○乾隆元年

諭各省帝王陵廟均宜嚴肅整齊以昭敬禮聞湖廣地方炎帝神農氏陵廟殿宇牆垣丹雘合度而帝舜有虞氏陵規模狹隘丹青剝落不足以肅觀瞻著該督撫轉飭有司動用公項即行修葺其他處陵廟若有類此者著該督撫委官察勘動用存公銀酌量修理務令完整再各陵向來未設陵戶無人看守者可酌設數戶令其專司巡察灑掃永著為例欽此遵

旨議定

炎帝陵

帝舜陵各設陵戶四名。十年奏准前明愍帝在位十七年未嘗營及陵寢。迨身殉社稷就葬妃園。坏土僅掩。至為慘憺。遭際

世祖章皇帝應天順人撫有寰宇。

躬幸愍帝陵酌奠慟悼。又憫其荒涼庠隘。

敕令修葺。所有饗殿三楹配屋數椽。即令直隸總督轉飭有司量為修葺。以免剝落傾圯。十一年

諭。歷代帝王陵寢及聖賢忠烈墳墓向來俱令修葺防護。陝西為自古建都之地。陵墓最多。有不在會典之內者。既無圍牆。又無陵戶。著該督撫查明酌築圍牆。



以禁作踐以資保護。又

諭金朝陵寢近在房山。歲久榛蕪未經修葺。朕維金太祖金世宗功德載在史書。景仰傳之奕禩。我

世祖章皇帝

聖祖仁皇帝隆禮有加。並

御製碑文。勒諸貞珉。以垂不朽。顧念國家祀典光昭。雖以時遣官將事。而一切饗殿繚垣。儀制所存。觀瞻宜備。其令直隸總督前往相度。有應增修芟治者。即行奏聞。工竣之後。朕將躬親展奠。以昭敬禮前朝之意。

○十六年

諭朕省方問俗。巡幸江甯鍾山之麓。明太祖陵在焉。  
皇祖聖祖仁皇帝南巡時。念其為一代創業之君。  
鑒興屢詣曠典光昭。朕於駐蹕詰朝。即命駕前往躬申  
奠謁。念本朝受命以來。百有餘年。勝國故陵寢殿依  
然。松楸無恙。皆我

祖

宗盛德保全之所致也。可令該督撫飭地方官加意保  
護。其附近陵地。毋許樵牧往來。致滋踐踏。並曉諭各  
陵戶知之。○又

諭朕時巡至杭州。

禹陵在望。緬維平成之德。萬世永賴。

皇祖聖祖仁皇帝曾親祀焉。爰東度浙江。陟會稽。式遵  
皇祖舊典。躬薦馨於宇下。厥有妣氏子姓。世居陵側。應  
世予八品官奉祀。該督撫擇其有品行者一人充之。  
以昭崇德報功至意。欽此遵。

旨選得妣恆甸世譜系出宗支。准授為八品官。嗣後並  
令世襲奉祀。會稽陵廟烝嘗。○二十一年奏准。  
昌平州明十二陵。既設有陵戶看守。又有世襲  
侯爵承祭。司香太監。即行裁汰。令其歸籍為民。  
其看守防護之陵戶。令地方官稽查管束。如有

老疾事故缺出。就近揀選老成殷實之人充補。令其防護。該地方官不時稽查。仍於歲底造具防護無誤印結。暨陵戶清冊報部存查。至各陵向設祭祀地七十畝。除陵戶養贍地仍照舊給予三十五畝外。司香太監既已裁汰。所遺養贍地畝。即交地方官同原有之祭祀地畝。招佃收租。豐潔辦理祭品。仍令世襲一等侯承祭。又昌平州有明代妃冢六處。向無陵戶。係十二陵太監照管。現經裁汰。嗣後派陵戶四名。以司看守。交地方官揀選充補。稽查約束。其隨墳地八頃。

四十畝除陵戶每名各給地三十五畝以作養贍外其餘地畝亦令地方官招佃收租以充各處香火之用。○又議准西山有明景泰帝陵並墳墓數處設司香太監六名向無陵戶所有太監即行裁汰酌設陵戶二名以司看守交地方官揀選充補其隨墳地四頃六十四畝除給陵戶每名養贍地三十五畝外餘地照昌平州之例辦理至各項地畝並各處房屋統令直隸總督轉飭各該地方官清丈詳查造冊報部存案。○又議准江南江甯府明太祖陵向設太監即

予裁汰酌改陵戶看守。三十年覆准。明代景泰帝陵並墳墓數處坐落西山地方。其隨墳地五頃五十九畝。暨民人自蓋房一千八十二間。每年共徵租銀六十二兩五錢八分零。備辦春秋二季祭祀之用。現健銳營蓋造八旗營房。占宛平縣官地。係明陵隨墳地四畝二分。所有地租銀兩。於二十九年為始。共開除租銀二錢一分。至此項隨墳地畝租銀。作何交存動用之處。一併詳細造具冊結。送部查覈。五十年

諭直隸昌平州為前明陵寢之地。本朝定鼎後。我

世祖章皇帝即命以帝禮改葬思陵並

敕工部修葺諸陵

親臨奠醑並禁止樵採添設陵戶我

皇祖聖祖仁皇帝亦曾

親臨致奠並飭地方官加意防護所以加禮前代者最為優渥朕此次巡幸湯山取道昌平躬詣長陵致奠見諸陵寢明樓饗殿多有損壞神牌龕案亦遺失無存為之慨然弗忍視蓋由明代中葉以後國事廢弛全不以祖宗為念於陵寢並未修葺至末年復經流寇擾亂亦無人守衛以致日就傾圯若其後代之君

果能歲加繕治。整齊完固。逮今不過百有餘年。亦何致頽剝若此。又諸陵前雖建有碑座。均未鐫泐。未審彼時是何意見。今親臨奠醑周覽之下。深為軫惻。自應重加葺治。增設龕位。俾臻完備。再我朝開創之初。睿親王以我師克取遼東。時明之君臣惑於形家謬說。疑金代陵寢與本朝王氣相關。將房山縣金陵折毀。是以爾時亦將定陵饗殿撤去。停其祭祀。然明樓寶城。仍存其舊。未壞也。維時我

世祖尚未親政。其事實由睿親王建議。亦非

世祖意也。今國家一統已歷百數十年。勝朝陵寢自應



一體修復。所有定陵饗殿著仍行修建。春秋祀事如故。又明世宗永陵前因尹嘉銓條奏將其祭祀裁撤。但前明之亡不亡於崇禎而亡於萬曆。天啟是以歷代帝王廟撤其位祀而陵寢仍前致祭。明世宗雖溺於齋醮尚不如萬曆天啟之昏庸失德。其陵寢自應照前一體致祭以昭大公。我國家受

天眷命。

世德顯承。於前代陵寢繕完保護禮從其厚。此次修復諸明陵殿宇等工。即費至百萬帑金亦所不靳。所有此項工程務期完固。工成後飭該地方官隨時稽查。

小心防護嚴禁樵蘇用副朕隆禮勝國之至意○五

十二年

諭順治年間因明陵附近居民於陵旁樵採曾奉

諭旨禁止並添設陵戶看守數十年來地方官並未小心稽查以致殿宇滲漏牆垣欹傾之處甚多朕前年親臨奠醢緬懷前蹟是用惻然因特發帑金將各陵重加修葺茲屆工竣便道親臨閱視殿宇煥然松楸如舊第恐閱時既久地方官查禁不力復不免有私行樵採及殿宇牆垣間被風雨損壞等事嗣後交直隸總督責成霸昌道就近專管稽查仍於每年十月

著工部屆期奏請派該部堂官一員前往查勘如有殿宇牆垣樹株損傷等事。惟該道是問。以示朕加禮勝朝保護舊陵之意。著為令。○嘉慶九年

諭本日朕親至明成祖長陵酌奠。並遣大臣分詣諸陵行禮。憑眺山林。彌深殷鑒。敬念

皇考高宗純皇帝特諭重修明帝諸陵。明樓饗殿規制煥然。嚴禁樵蘇。松楸無恙。茲朕鑒輅經臨。再申例禁。著該地方官。以時飭令守陵人戶。敬司灑掃。並嚴禁砍伐樹木。永遠遵奉。毋得懈弛。以副朕恪守

前謨。培護勝國陵寢至意。○道光二十六年修葺

唐太宗祠宇。

周康王陵寢。○同治三年

諭江甯前明太祖陵寢。本朝每歲春秋致祭。並於江甯地方官內專委一人修理。傾圮設有陵戶。加意防護。所以敬禮前代者。極為優渥。咸豐三年。賊匪竄陷江甯。曾據向榮奏稱。明陵寢殿被焚。前因逆燄。鴟張未獲。以時展祀。緬懷前朝。陵廟良用惻然。現在紅旗奏捷。攻拔名城。地方已臻底定。而兵燹之餘。廟貌傾壞。若非重加繕治。殊不足以肅禋祀。而昭優禮。著派曾國荃前往。明孝陵致祭。其有應行修葺之處。著一面

查明情形迅速奏聞一面督飭地方官酌量興修務令完固整齊用副隆禮勝朝有加無已至意○光緒

五年奏准河南孟津縣

漢光武帝陵近被河流衝刷淪陷堪虞籌畫工料銀四萬三千餘兩趕緊修防穩固以資保護○七年

諭戶部奏查覈明陵開墾地畝於陵寢有礙請旨辦理一摺昌平州明代陵寢久經嚴禁侵占地方官宜如何認真稽查加意防護乃近來宮牆左右開墾地畝至數頃之多並已侵占明堂正路實屬不

成事體著直隸總督順天府府尹查照戶部此次  
所奏章程分別辦理其所墾地畝在一百步以內  
者一概騰出永遠封禁並責成該地方官隨時稽  
查不准再有墾種情事用副隆禮勝朝至意

欽定大清會典事例卷四百三十六

禮部

中祀

先師廟制 崇聖祠 上丁釋奠於先師典禮

孔子祭告

朔望釋奠 臨雍釋奠 獻功祭告 因事

先師廟制○

大成殿

至聖先師孔子位正中南嚮。

四配。

復聖顏子。

述聖子思子位。殿東西嚮。

宗聖曾子。

亞聖孟子位。殿西東嚮。

十二哲。

先賢閔子。冉子。端木子。仲子。卜子。有子位。殿內東  
序西嚮。

先賢冉子。宰子。冉子。言子。顓孫子。朱子位。殿內西  
序東嚮。東廡。

先賢公孫僑。林放。原憲。南宮适。商瞿。漆雕開。司馬  
耕。梁鱸。冉孺。伯虔。冉季。漆雕徒父。漆雕哆。公西  
赤。任不齊。公良孺。公肩定。鄒單。罕父黑。榮旂。左



人郢。鄭國。原亢。康潔。叔仲會。公西與如。邾巽。陳亢。琴張。步叔乘。秦非。顏曾。顏何。縣亶。牧皮。樂正克。萬章。周敦頤。程顥。邵雍。四十位。

先儒公羊高。伏勝。毛亨。孔安國。后蒼。許慎。鄭康成。范甯。陸贄。范仲淹。歐陽修。司馬光。謝良佐。羅從彥。李綱。張栻。陸九淵。陳淳。真德秀。何基。文天祥。趙復。金履祥。陳澧。方孝孺。薛瑄。胡居仁。羅欽順。呂柟。劉宗周。孫奇逢。張履祥。陸隴其。張伯行。三十四位。均西嚮。西廡。

先賢蘧瑗。澹臺滅明。宓不齊。公冶長。公皙哀。高柴。

樊須。商澤。巫馬施。顏辛。曹卹。公孫龍。秦商。顏高。  
壤駟赤。石作蜀。公夏首。后處。奚容蒧。顏祖。句井  
疆。秦祖。縣成。公祖句茲。燕伋。樂歆。狄黑。孔忠。公  
西蒧。顏之僕。施之常。申枏。左邱明。秦冉。公明儀。  
公都子。公孫丑。張載。程頤。三十九位。

先儒。穀梁赤。高堂生。董仲舒。劉德。毛萇。杜子春。諸  
葛亮。王通。韓愈。胡瑗。韓琦。楊時。尹焞。胡安國。李  
侗。呂祖謙。袁燮。黃幹。輔廣。蔡沈。魏了翁。王柏。陸  
秀夫。許衡。吳澄。許謙。曹端。陳獻章。蔡清。王守仁。  
呂坤。黃道周。陸世儀。湯斌。三十四位。均東嚮。

順治二年加封

至聖先師孔子為

大成至聖文宣先師孔子。○十四年。

大成至聖文宣先師孔子。仍改稱

至聖先師孔子。○康熙五十一年。

諭大學士等曰。朕自沖齡篤好讀書。博覽載籍。每見歷代文士著述。即一字一句。於義理稍有未安者。輒為後人指摘。惟宋儒朱子註釋羣經。闡發道理。凡所著作及編纂之書。皆明白精確。歸於大中至正。經今五百餘年。學者毫無疵議。朕以為孔孟之後。有裨斯文。

者。朱子之功。最為宏鉅。應作何尊崇。爾等會同九卿翰林詹事科道詳議具奏。欽此。遵

旨議定。朱子發明聖道。軌於至正。特加優崇。升配

大成殿。十哲卜子商之次。前期遣官二人祇告

先師孔子及朱子位前。○五十四年題准。宋臣范仲

淹從祀

聖廟。位列東廡。唐儒韓愈之次。○雍正二年

諭。先儒從祀

文廟。闢繁學術人心。典至重也。宜復宜增。必詳加考證。折衷盡善。庶使萬世遵守。永無異議。爾等所議復

祀諸儒。雖皆有功經學。然戴聖何休。未為純儒。鄭衆  
盧植服虔范甯。謹守一家言。轉相傳述。視鄭康成之  
醇粹深通。似乎有間。至若唐之陸贄。宋之韓琦。勲業  
昭垂史冊。自是千古名臣。然於孔孟心傳。果有授受  
而能表彰羽翼乎。其他諸儒。是否允協。以及宰予冉  
有增置博士之處。著再公同確議。務期至當不易。○

又

諭。祔饗廟廷諸賢。皆有羽翼聖經維持名教之功。然前  
代進退不一。而賢儒代不乏人。或有先罷而今宜復。  
舊缺而今宜增。其從祀崇聖祠者。周程朱蔡外。或有

可升而祔者。以昭崇報。均關大典。九卿翰林詹事科道會同國子監詳考以聞。欽此。遵

旨議定。明洪武二十九年。黜楊雄從祀。宏治八年。黜吳澄從祀。嘉靖九年。林放。蘧瑗。鄭康成。鄭衆。盧植。服虔。范甯。七人。改祀於鄉。公伯寮。秦冉。顏何。申黨。荀況。戴聖。劉向。賈逵。馬融。何休。王肅。王弼。杜預。十三人。黜其從祀。今議得二十二人中。林放。蘧瑗。秦冉。顏何。鄭康成。范甯。六人。允宜復祀。孔子弟子。縣亶。牧皮。孟子弟子。樂正子。公都子。萬章。公孫丑。漢諸葛亮。宋尹焞。魏了翁。黃幹。陳淳。

何基王柏元趙復金履祥許謙陳澧明羅欽順  
蔡清。

本朝陸隴其二十人。允宜增祀。○乾隆二年覆准。  
元儒吳澄。仍應從祀於太學。在東廡元儒趙復  
之次。○三年覆准。以有子若升配為

十二哲。列殿內東序。在卜子商之次。東位西嚮。移  
朱子位於西序。在顏孫子師之次。前期祇告。照  
康熙五十一年朱子升配之例。○十八年奏准。  
聖廟兩廡從祀

先儒位次。謹依史傳按年序次。行令國子監於月

朔釋菜時移請。依次序位置。以光典禮。公羊高。

周人。子穀梁赤。周人。子伏勝。秦博士。漢文帝時

高堂生。秦孝人。至漢董仲舒。漢景帝時為博士。

孔安國。漢武帝時后蒼。漢武帝時毛萇。漢武帝時

杜子春。漢哀帝時人。鄭康成。漢桓帝時人。諸葛亮。

漢昭烈。范甯。東晉武帝時王通。隋文帝時人。韓愈。唐

宗貞元八年。范仲淹。宋真宗大中祥胡瑗。宋景

祐初。歐陽修。宋仁宗天聖司馬光。宋仁宗寶

楊時。宋神宗熙甯九年尹焞。宋神宗時人。羅從

彥。宋神宗時人。胡安國。宋哲宗紹聖李侗。宋哲



人。羅從張杖。宋高宗末。呂祖謙。宋孝宗時進士。陸九淵。

宋孝宗時進士。道蔡沈。宋孝宗時人。黃幹。宋高宗時

人。陳淳。宋高宗時人。真德秀。宋高宗時進士。魏了

翁。宋高宗時進士。何基。宋理宗時人。王柏。宋理宗

人。基門陳澔。宋末趙復。宋末初人。金履祥。宋末

人。王柏許謙。宋末初人。許衡。元世祖時。吳澄。

元人。武宗時薛瑄。明永樂十進士。胡居仁。明正統

國子監丞。獻章。明正統十進士。王守仁。明成化十進士。蔡清。明成化

進士。羅欽順。明宏治六進士。陸隴其。本朝康熙。二

十九年定。

先賢有子神牌。照殿內諸賢側。編為有子而不名。

○道光二年題准。明臣劉宗周從祀

聖廟。位列西廡。明儒蔡清之次。○三年題准。先儒湯斌從祀

聖廟。位列東廡。明儒羅欽順之次。○五年題准。明臣黃道周從祀

聖廟。位列東廡。明儒羅欽順之次。○六年題准。明臣呂坤從祀

聖廟。位列西廡。明儒蔡清之次。○又題准。唐臣陸贄從祀

聖廟位列東廡。隋儒王通之次。八年題准。明儒孫奇逢從祀。

聖廟位列西廡。明儒呂坤之次。又湖北學政王贈芳奏請以陳良從祀。

聖廟奉

諭。嘉慶年間給事中喬遠瑛請以陳良從祀。禮部議駁甚是。茲該學政復為此請。甚屬冒昧。陳良道說周孔。雖見稱於孟子。不在弟子之列。又無言行可考。稽諸書傳。如陳良者尚復有人。如皆濫行從祀。成何體制。殊失崇文重道之義。所奏不准行。九年御史牛鑑

請以李容從祀

聖廟奉

諭先儒升祔學宮。祀典至鉅。必其人學術精純。經綸卓越。方可俎豆馨香。用昭崇報。若僅著述家言。闡明心性。未有躬行實踐。超越等倫。列祀鄉賢。已足彰褒旌之義。豈宜升祔。

廟庭稍滋冒濫。綜覈李容生平學行。雖足為閭黨矜式。然似此者亦不乏人。何能盡登兩廡。該部請如該御史所奏。准其從祀之處。著毋庸議。二十三年題准。宋臣文天祥從祀。

聖廟。位列東廡。宋儒何基之次。○二十九年題准。宋儒謝良佐從祀。

聖廟。位列東廡。宋儒楊時之次。○咸豐元年題准。宋臣李綱從祀。

聖廟。位列西廡。宋儒胡安國之次。○二年題准。宋臣韓琦從祀。

聖廟。位列東廡。唐儒陸贄之次。○三年題准。先賢公明儀從祀。

聖廟。位列東廡。先賢縣亶之次。○七年題准。先賢公孫僑從祀。

聖廟。位列西廡。先賢林放之上。○九年題准。宋臣陸秀夫從祀。

聖廟。位列西廡。宋儒文天祥之次。○十年議准。明儒曹端從祀。

聖廟。位列東廡。明儒胡居仁之上。○又議定。從祀章程。例無明條。應以闡明聖學。傳授道統為斷。嗣後除著書立說。羽翼經傳。真能實踐躬行者。准各該省督撫臚列事實。奏請從祀外。其餘忠義激烈者。入祀昭忠祠。言行端方者。入祀鄉賢祠。以道事君。澤及民庶者。入祀名宦祠。概不得濫

請從祀

聖廟。其名臣賢輔。已經配饗。

歷代帝王廟者。亦毋庸再請從祀。

聖廟。以示區別。○同治二年議准。魯人毛亨從祀。

聖廟。位列東廡。漢儒伏勝之次。明臣呂柟從祀。

聖廟。位列西廡。明儒蔡清之次。○又御史劉毓楠奏。

請祔祀兩廡新章。再行覈議。奉。

諭。先儒升祔學宮。久經。

列聖論定。至為精當。咸豐十年。

文宗顯皇帝飭令酌定章程。以示限制。原以宮牆巍峻。

祀典至崇。必其學術精純。足為師表者。方可俎豆馨香。用昭母替。茲據該御史以新定章程過嚴。如宋儒黃震等。均經禮部議駁。謂士人皆以聖賢為難幾。必至人心風俗。日流於奇邪異端。而不及覺。推該御史之意。必將舉古人之聚徒講學。著有性理等書者。悉登諸兩廡之列。方足以資興起。而德行之儒。平日躬行實踐。師法聖賢。實為身後從祀之計。議論殊屬迂謬。所奏著毋庸議。○又奏准。明儒方孝孺從祀。

聖廟。位列西廡。宋儒陳澔之次。○又奏准。援照乾隆十八年成案。將祀典次序。繪圖頒發各直省督



撫學政。轉飭府廳州縣等官。遵照辦理。○又奏准。  
今先賢中增祀公孫僑。公明儀二人。公孫僑年先  
於蘧瑗。應在蘧瑗之上。擬以公孫僑移於東廡第  
一位。蘧瑗移於西廡第一位。林放既與蘧瑗並稱。  
擬移於東廡第二位。而移澹臺滅明於西廡第二  
位。牧皮為孔子弟子。公明儀為曾子弟子。擬移牧  
皮於東廡第三十五位。移公明儀於西廡第三十  
五位。其餘先賢之位。悉仍其舊。以省東西移易。  
先儒增祀者凡十五人。其位次隨時擬定。限於  
東西多寡之數。於時代不無參差。今合原定從

祀與續經增祀之儒各就時代按其生年一東一西以次排列庶無凌躐之虞○又奏准增祀

聖廟東廡

先儒位次公羊高伏勝毛亨

太平御覽引毛詩正義云荀卿授漢人魯

國毛亨作訓詁傳以授於趙國毛萇孔安國后蒼鄭康成范甯陸

贄

唐代宗時進士

范仲淹歐陽修司馬光謝良佐

宋神宗元

豐六年進士

羅從彥李綱

宋徽宗政和二年進士

張栻陸九淵

陳淳真德秀何基文天祥

宋理宗寶祐四年進士

趙復金

履祥陳澧方孝孺

明忠帝時翰林侍講學士

薛瑄胡居仁羅

欽順呂柟

明武宗正德三年進士

劉宗周

明神宗萬曆十九年進士

孫奇逢

明神宗萬曆十八年舉人

陸隴其西廡

先儒位次。穀梁赤。高堂生。董仲舒。毛萇。杜子春。諸葛

亮。王通。韓愈。胡瑗。韓琦。

宋仁宗時進士

楊時。尹焞。胡安國。

李侗。呂祖謙。黃幹。蔡沈。魏了翁。王柏。陸秀夫。

宋理宗景

進士

陳獻章。蔡清。

定元年進士

許衡。吳澄。許謙。曹端。

明舉人

陳獻章。蔡清。

明舉人

王守仁。呂坤。

明神宗萬曆二年進士

黃道周。

明熹宗天啓二年進士

明熹宗天啓二年進士

湯斌。

九年

本朝順治

○七年奏准。

宋臣袁燮從祀。

聖廟。位列西廡。宋儒呂祖謙之次。○十年奏准。先儒

張履祥從祀。

聖廟。

位列東廡。明儒孫奇逢之次。○光緒元年奏准。

聖廟。

位列東廡。明儒孫奇逢之次。○光緒元年奏准。

聖廟。

位列東廡。明儒孫奇逢之次。○光緒元年奏准。

聖廟。位列東廡。明儒孫奇逢之次。○光緒元年奏准。

張履祥從祀。

聖廟。

位列東廡。明儒孫奇逢之次。○光緒元年奏准。

聖廟。

位列東廡。明儒孫奇逢之次。○光緒元年奏准。

聖廟。

位列東廡。明儒孫奇逢之次。○光緒元年奏准。

聖廟。位列東廡。明儒孫奇逢之次。○光緒元年奏准。

先儒陸世儀從祀

聖廟。位列西廡。明儒黃道周之次。○二年奏准。漢儒許慎從祀。

聖廟。位列東廡。漢儒后蒼之次。○三年奏准。漢河間獻王劉德從祀。

聖廟。位列西廡。漢儒董仲舒之次。○四年奏准。先儒張伯行從祀。

聖廟。位列東廡。先儒陸隴其之次。○五年奏准。宋儒輔廣從祀。

聖廟。位列西廡。宋儒黃幹之次。○十八年奏准。宋儒游酢從祀。

聖廟。位列西廡。宋儒楊時之次。○二十一年。奏准。宋儒呂大臨從祀。

聖廟。位列東廡。宋儒謝良佐之次。

尊崇

先師典禮。○康熙二十三年。

御書萬世師表扁額恭懸

大成殿。並頒發直省學宮。○二十八年。

御書

孔子贊。並

顏曾思孟四子贊。勒石摹搨。頒發直省。○二十九

年議准。學宮關繫文教。凡官民人等經過者。皆下車馬。並禁於學宮內放馬汙踐。○雍正三年諭。古有諱名之禮。所以昭誠敬致尊崇也。朕臨御以來。恐臣民過於拘謹。屢降諭旨。凡與御名聲音相同字樣。不必迴避。近者各省地方。以音同而改易者頗多。朕為天下主。而四海臣民竭誠盡敬如此。況孔子德高千古。道冠百王。正彝倫。端風化。為往聖繼絕學。為萬世開太平。自天子以至於庶人。皆受師資之益。而直省郡邑之名。有

聖諱字在內者。今古相沿未改。朕心深為不安。爾等

會議凡直省地名有同

聖諱者。或改讀某音。或另易他字。至於常用之際。於此字作何迴避。一併詳議具奏。欽此。遵

旨議定。

先師聖諱。理應迴避。惟

圉丘字如故。府州縣名。交內閣擬字進呈。山川鎮市。交督

撫更易報部。至姓氏案通考。太公之後。以食采謝

邱得姓。今擬作邱。至常用宜從古體。作丘為允。奉

旨。今文出於古文。若改用丘字。是仍未嘗迴避也。此字

本有期音。按毛詩及古文讀作期音者甚多。嗣後除

四書五經外。凡遇此字。並加邑為邱。地名亦不必改。易。但加邑旁。讀作期音。庶協尊崇至意。○五年

諭。

聖祖仁皇帝聖誕。舊例禁止屠宰。

至聖先師孔子師表萬世。

聖誕日亦應虔誠致祭。朕惟

君師功德。恩被億載。普天率土。尊親之戴。永永不忘。而於誕日尤當加謹。以展恪恭思慕之忱。非以佛誕為比擬也。著大學士九卿會議具奏。欽此。遵

旨議定。每歲三月十八日。



聖祖仁皇帝聖誕。每歲八月二十七日。

至聖先師孔子誕辰。恭值此二日。自

大內至王公文武各官以及軍民人等。均應致齋  
一日。不理刑名。禁止屠宰。永著為令。是年。

御書生民未有扁額。恭懸

大成殿。並頒發直省。懸於學宮。乾隆二年

諭。

至聖先師孔子。天縱聖神。師表萬世。尊崇之典。至我  
朝而極盛。

皇考世宗憲皇帝尊師重道。禮敬尤隆。闕里

文廟。

特命易蓋黃瓦。鴻儀炳煥。超越前模。朕祇紹

先猷。冀精念切。思國子監為首善觀瞻之地。辟雍規制。宜加崇飾。大成門大成殿。著用黃瓦。崇聖祠。著用綠瓦。以昭展敬之意。欽此。遵

旨議定。國子監

先師廟

大成殿及大成門易黃瓦。

崇聖祠易綠瓦。並修

至聖先師神牌。重飾見新。以肅觀瞻。○是年。

御書與天地參扁額恭懸

大成殿並頒發直省懸於學宮。三十二年奏准。  
大成殿兩旁。

皇朝建豎碑亭九座。凡駿烈鴻功勒石太學者並覆  
黃瓦。惟

聖祖仁皇帝御製

聖贊碑亭二座。

世宗憲皇帝御製丁祭詩碑亭一座。均用綠脊綠邊瓦。  
請一例改用黃瓦以符體制。三十三年

諭修葺

文廟現屆落成。太學規模。式昭輪奐。惟門題殿榜。尚應詳考。彝章。用肅景仰。向來正殿稱

先師廟。二門曰廟門。而大門未有書額。蓋沿習明代舊文。未加釐正。夫廟門之號。於禮經所稱祖廟。既涉嫌疑。而

先師廟額。揭諸殿楹。名實尤多未稱。應於大門增先師廟額。其正殿改為大成殿。二門改為大成門。庶符會典定制。朕親書榜字。涓吉恭懸。以彰崇道尊師之至意。又

諭國學崇祀

先師。規制法程。美備是飭。我

列聖石文重道。尊禮有加。朕臨御初。即詔易黃瓦。儀惟其隆。適以殿廡歲久弗葺。特發帑金二十餘萬。鳩庀鼎新。敕大臣董厥成。輪奐視舊增益。工就告蒧。而門殿諸額。向沿明張璁陋議。非所以肅觀瞻。明折衷也。既依會典定名。躬為榜書。並宣示釐正大指。茲復親製碑記。具修建原委。且於幾暇手書付鋟。表示鄭重。將以明年仲春。詣學釋奠落成之。彰盛典焉。遐稽闕里廟堂。有後漢時犧象諸尊。以為觀美。爰擇內府所藏周范銅鼎彝尊。卣罍壺簋簠觚爵洗各一。頒置太

學。陳之大成殿中。用備禮器。夫

孔子志在從周。楹間列姬朝法物。於義惟允。所司其

敬。懷將事。典守毋替。以克副朕意。謹案周范銅器十。曰康

侯鼎。曰犧尊。曰內言自。曰犧首罍。曰雷紋壺。曰召仲簋。曰盟簋。曰雷紋觚。曰子爵。曰素洗。

嘉慶四年。

御書聖集大成扁額恭懸

大成殿。並頒發直省。懸於學宮。道光元年。

御書聖協時中扁額恭懸

大成殿。並頒發直省。懸於學宮。十六年

諭。汪振基奏明徵祀典以崇正學一摺。據稱山西省壽

陽縣及遼州甯武府等處。均有三教廟。

至聖先師孔子。與佛老同廟供奉。積習相沿。與祀典不符。著申啟賢通飭各屬。即行更正。毋得同廟供奉。各直省如有似此同廟供奉之處。著各該督撫轉飭各州縣一律更正。以崇正學而昭定制。○咸豐元年。

御書德齊情載扁額。恭懸

大成殿。並頒發直省。懸於學宮。○同治元年。

御書聖神天縱扁額。恭懸

大成殿。並頒發直省。懸於學宮。○光緒元年。

御書斯文在茲扁額。恭懸

大成殿。並頒發直省。懸於學宮。

崇聖祠。

崇聖祠殿內。

肇聖王木金父位正中。

裕聖王祈父位在左。

詒聖王防叔位在右。

昌聖王伯夏位次左。

啟聖王叔梁紇位次右。皆南嚮。

先賢孟皮。顏無繇。孔鯉位。殿東西嚮。

先賢曾點。孟孫氏位。殿西東嚮。東廡。



先儒周輔成。程珦。蔡元定位。西嚮。西廡。

先儒張迪。朱松位。東嚮。均北上。○雍正元年

諭。

至聖先師孔子。道冠古今。德參天地。樹百王之軌範。立萬世之宗師。其為功於天下者至矣。而水源木本。積厚流光。有開必先。克昌厥後。則聖人之祖考。宜膺崇厚之褒封。所以追溯前徽。不忘所自也。粵稽舊制。孔子之父叔梁公。於宋真宗時。追封啟聖。自宋以後。累代遵循。而叔梁公以上。則向來未加封號。亦未奉祀祠內。朕仰體

皇考崇儒重道之盛心。修崇德報功之典禮。意欲追封五代。並饗祚嘗。用申景仰之誠。庶慰羹牆之慕。內閣禮部會同確議具奏。○又

諭。五倫為百行之本。天地君親師。人所宜重。而天地君親之義。賴師教以明。自古師道無過於

孔子。誠首出之至聖也。我

皇考崇儒重道。超軼千古。凡尊崇

孔子典禮。無不備至。朕蒙

皇考教育。自幼讀書。心切景仰。欲再加尊崇。更無可增之處。故敕部進封

孔子以上五代。今部議封公。上考前代帝王。皆有推崇之典。唐明皇封

孔子為文宣王。宋真宗加封至聖文宣王。封

聖父叔梁紇為齊國公。元加封

孔子為大成至聖文宣王。加封齊國公為啟聖王。至明嘉靖時以王係臣爵。改稱為

至聖先師孔子。改啟聖王為啟聖公。雖皆屬尊稱。朕以為王爵較尊。

孔子五世封王之典。著諸大臣議奏。欽此。遵

旨議定。自叔梁公至木金父公凡五代。並追封為王爵。

木金父公為肇聖王。

祈父公為裕聖王。

防叔公為詒聖王。

伯夏公為昌聖王。

叔梁公為啟聖王。其祠向係專祀

叔梁公故名

啟聖祠。今合祀五代。應更名為

崇聖祠。改造扁額。增設牌位。及一應祭器。交與工

部。俟造完日。欽天監擇吉入祠。至入祠之日。遣

官一人。讀文祇告。祝文由翰林院撰擬。每年春

秋丁祭。牲牢酒醴。籩豆簠簋。每

神位前。皆照

叔梁公位前陳設。其兩序顏無繇曾點孔鯉孟孫氏  
配饗。兩廡周輔成程珦朱松蔡元定從祀。並皆  
仍舊制。○二年。遵

旨議定。宋橫渠張子之父迪。增入

崇聖祠從祀。○乾隆十一年議准。

崇聖祠四配位前。應增分獻官國子監助教二人。  
贊引官太常寺贊禮郎二人。其陳設四案。增帛  
二爵六。以備典儀。以昭誠敬。○咸豐七年議定。

聖兄孟皮。增入

崇聖祠從祀。

上丁釋奠於

先師孔子。○崇德元年定。遣官致祭

先師孔子。以

顏子

曾子

子思子

孟子配饗。○五年定。每年二月上丁日。行釋  
奠禮。○順治二年定。每歲春秋仲月上丁日。祭

先師孔子。遣大學士一人行禮。翰林官二人分獻。國子監祭酒。祭

啟聖公於

啟聖祠。均以

先賢

先儒之先世配饗從祀。嗣後每年二月八月上丁日致祭。如遇有事。改次丁。或下丁。通行府州縣衛各學遵行。○十四年議准。祭

先師祝文。稱

至聖先師孔子。通行直省各學。○雍正二年議准。

大成殿四配十一哲。每位一案。兩廡二位共一案。崇聖祠四配異案。兩廡二位共案。其兩廡內有單位者。仍獨設一案。○十一年二月。

世宗憲皇帝親詣釋奠禮成。

諭禮部。嗣後親詣行禮。於香案前行三上香禮。○乾隆元年議准。

聖廟脯醢宜豐。鹿脯鹿醢加增鹿二。

正位及

四配。

崇聖祠



正位。仍用兔醢。

十一哲兩廡。

崇聖祠配位兩廡。易兔醢為醢醢。加增豕二。再祭聖廟。於前一日陳設。與各處例不畫一。交太常寺照各處之例辦理。祭畢。交國子監官分胙。○三年

諭。今年春祭

先師孔子。朕降旨親詣行禮。舊例春秋二祭。皆遣官。我

皇考尊

師重道。始定親祭之禮。今覽太常寺奏進儀注。朕躬

獻爵一次。其亞獻三獻之爵。則豫設於案。朕思既行親祭。仍當從三獻之儀。著太常寺重繕儀注進呈。

五年。仲秋仲丁。致祭。

先師孔子。

高宗純皇帝親詣行禮。九年。仲春上丁。致祭。

先師孔子。

高宗純皇帝親詣行禮。十八年。仲秋上丁。致祭。

先師孔子。

高宗純皇帝親詣行禮。又奏准。案太學春秋丁祭。

大成殿內

十二哲。東西各豕首一。每位豕肉一盤。兩廡  
先賢先儒百二十三位。東西各豕首六。每位豕肉  
一盤。

崇聖祠內

四配。東西各豕首一。及兩廡每位。各豕肉一盤。共  
用豕二十有九。徒為煩瑣。而陳設之處。不足以  
昭整肅。謹案乾隆十三年

聖駕東巡。

親祭

先師孔子。照

闕里春秋祭禮。

十二哲東西各少牢一案。兩廡各少牢三案。

崇聖祠四配兩廡。東西各少牢一案。又考順天府府學。每年丁祭。

十二哲東西各少牢一案。兩廡各少牢二案。較太學現行之例。轉覺整齊。應將太學春秋丁祭。

闕里挂品。畫一改正。以與禮儀相稱。又

十二哲東西各篚一帛一。未免太簡。請照

崇聖祠四配位各異帛之例。每位一帛。東西共篚二。以昭畫一。又案兩廡位次。皆東西嚮。

先賢先儒。南北分列。向於中間牆壁空處設案。案上供豕首六。皆倚於壁。前設香帛案。分獻官各一人。皆嚮牆壁空處奠獻。於禮未協。應照

帝王廟分獻之例。兩廡各用分獻官二人。各增香帛一案。俾得就位行禮。以嚴昭假。再

十二哲兩廡。向皆於各位前豫奠一爵。其分獻官行三獻禮。則統奠三爵於香案。以太常寺執事人不充數故也。嗣後丁祭

十二哲兩廡三獻。均令肄業諸生奉爵。令東西分獻翰林官。各奠三爵。其兩廡分獻國子監官四

人一如

帝王廟之例。各統奠三爵。以光祀典。二十一年。仲春上丁。致祭。

先師孔子。

高宗純皇帝親詣行禮。又定恭遇

親詣釋奠。前殿執事各官。俱用太常寺官員。其國子監官員。俱移於後殿正位執事。前殿兩廡。及後殿配位兩廡。仍用肄業生。三十四年。仲春上丁。致祭。

先師孔子。

高宗純皇帝親詣行禮。○四十八年。仲春上丁。致祭先師孔子。

高宗純皇帝親詣行禮。○五十年。仲春上丁。致祭先師孔子。

高宗純皇帝親詣行禮。○六十年。諭朕自臨御以來。恭遇

郊

廟大祀。無弗祗肅躬親。即中祀之禮。亦多親詣舉行。嗣因年屆八旬。曾經降旨。所有中祀典禮。如先農朝日夕月等壇。俱於八旬前兩年內。以次親祭一周。原因

年壽日高。恐筋力或不逮。是以中祀之禮。於五十年後。不復親行。今思

先師孔子。道集大成。師表萬世。朕自沖齡。服膺聖教。久而無倦。凡行政典學。悉皆得自心傳。況丙辰年。即係歸政之期。本年為朕御極六十年。二月上丁。允宜展禮宮牆。用申企慕。此次

文廟釋奠。朕親詣行禮。以昭崇儒重道之誠。其應行典禮。該衙門照例豫備。○嘉慶元年。仲春上丁。致祭先師孔子。

仁宗睿皇帝親詣行禮。○三年。仲春上丁。致祭



先師孔子。

仁宗睿皇帝親詣行禮。○七年。仲春上丁。致祭。

先師孔子。

仁宗睿皇帝親詣行禮。○十五年。仲春上丁。致祭。

先師孔子。

仁宗睿皇帝親詣行禮。○二十二年。仲春上丁。致祭。

先師孔子。

仁宗睿皇帝親詣行禮。○二十五年。仲春上丁。致祭。

先師孔子。

仁宗睿皇帝親詣行禮。○道光二年。

諭。

先師孔子。德配天地。道冠古今。我朝

列祖

列宗。暨我

皇考仁宗睿皇帝。親詣釋奠。臨雍講學。多士圓橋觀聽。洵盛典也。朕寅紹丕基。心誠嚮慕。謹於明年仲春上丁。親詣辟雍。登堂釋奠。用昭崇師重道稽古右文之意。其應行典禮事宜。著各該衙門先期敬謹豫備。○

又

諭。朕於明年仲春上丁。親詣

先師孔子廟行禮。其臨雍釋奠之典。著於二月十三日舉行。○三年。仲春上丁。致祭。

先師孔子。

宣宗成皇帝親詣行禮。○咸豐二年

諭。

先師孔子。德配天地。道冠古今。我朝

列祖

列宗。暨我

皇考宣宗成皇帝。親詣釋奠。並臨雍講學。多士圓橋觀聽。洵盛典也。朕寅承丕緒。志切景行。謹於明年仲春

上丁。親詣

文廟行釋奠禮。並臨雍講學。用昭重道尊師稽古右  
文至意。其應行典禮事宜。著各該衙門先期敬謹豫  
備。○三年。仲春上丁。致祭

先師孔子。

文宗顯皇帝親詣行禮。○光緒二十年

諭。每歲春秋大祀中祀致祭之期。朕已次第親詣行  
禮。

至聖先師祀典綦重。本年八月初三日。致祭

文廟。朕親詣行禮。以申誠敬。所有應行典禮。該衙門

敬謹豫備。○是年。仲秋上丁。致祭

先師孔子。

皇帝親詣行禮。○又奉

旨。

文廟禮節內。添入飲福受胙。

臨雍釋奠。○順治九年。

世祖章皇帝視學。釋奠

先師孔子。前期於

大內致齋。

四配十哲兩廡。各遣官分獻。王以下。公以上。文官

三品武官二品翰詹官七品以上暨國子監官。  
咸齋戒陪祭。○又題准。

視學前期。由部遣官。行取衍聖公。率孔顏曾孟仲五  
氏世襲五經博士。孔氏族五人。顏曾孟仲族各  
二人。乘傳赴京。及五氏子孫現任京官者。咸與  
祭。○九年。奏定。

視學釋奠之禮。是日早。工部設更衣大次於大成門  
外之左。南嚮。陪祭文武官。先詣廟庭左右恭俟。  
咸朝服。東西面序立。

駕出長安左門。至成賢街。國子監祭酒司業。率學官

貢監生朝服跪迎街左。

駕至廟門外降輿。贊引官恭導由中門入。至大次少憩。太常卿奏請行禮。

皇帝出大次盥洗。入大成中門升階。入殿中門。北嚮立。分獻官入右側門至階下。夾甬道立。王公入左右門。由中階左右升。文武官豫由左右側門入。接翼於東西序立。均北面。衍聖公在東班之首。五經博士暨五氏有官者。以其官序。諸生在東班之末序立迎。

神上香。行二跪六拜禮。王公百官均隨行禮。司帛跪。

進籩

皇帝受籩。拱舉。仍授司帛。奠於案。司爵跪進爵。皇帝受爵。拱舉。仍授司爵。獻於

神位前。樂三奏。酒一獻。不讀祝。送

神行禮如前。釋奠畢。出大成門。入大次更衣。

御彝倫堂講書禮成。

駕還宮。○十七年以修葺太學告成。

世祖章皇帝視學釋奠。○康熙八年。

聖祖仁皇帝視學釋奠。○雍正二年。

世宗憲皇帝視學釋奠。○又奏准。閔子後裔。世襲五經。



博士。此次恭遇

視學大典。請率其族二人。赴太學觀禮。據衍聖公咨送  
到部。應照五氏子孫之例。准其與祭。○四年議  
准。

視學釋奠禮儀。載在會典。惟春秋二季。均遣大學士  
行禮。向未載有

親詣禮節。今

特旨親詣行禮。為

尊師重道之曠典。謹擬陳設犧牲邊豆。仍照春秋丁祭  
禮儀。請照雍正二年

視學釋奠行二跪六拜禮立獻帛爵一次不讀文不飲

福受胙

四配位前遣尚書四人分獻

十一哲及兩廡從祀位前遣侍郎四人各分獻○

又奏准

視學釋奠舊儀不讀祝今

親詣行禮實屬曠典請照康熙二十三年

親祭

先師闕里讀祝文致祭行禮○是年仲秋丁祭

世宗憲皇帝親詣行禮畢

諭禮部太常寺。儀注內開奠帛獻爵皆不跪。朕今跪獻。非誤也。若立獻於

先師之前。朕心有所不安。將此諭衆知之。爾衙門可記載。嗣後照此遵行。○乾隆三年。

高宗純皇帝視學講書。行釋奠禮。○又覆准。冉氏卜氏端木氏言氏顓孫氏。各有五經博士。照閔氏仲氏子孫之例。行取該博士率其族二人。乘傳赴京與祭。○又奏准。令

元聖周公後裔東野氏五經博士。率其族二人。乘傳赴京與祭。○五十年。

國學新建辟雍落成。

高宗純皇帝臨雍講學。行釋奠禮。五十一年奏准。此次恭遇

臨雍大典。各氏後裔內有陪祀之貢生。為向來陪祀所無。請照乾隆三年吏部奏准觀禮貢生之例。以本身應考職銜掣籤註冊。又向來並無陪祀武生。今若照文生員之例。准作恩貢。將來由恩貢銓選教職。難資考課。請准作監生。又向來並無陪祀俊秀。伊等原無頂戴。但既係聖賢後裔。在陪祀之例。請

旨加恩准作監生。又向來雖有奉祀生陪祀。但該生等  
以嫻熟儀節。專司祠祀。與考試錄取者不同。若  
照從前一例。准作恩貢。銓選後。亦於考課非宜。  
請將舊例酌改。准作監生。又覈定陪祀人數。聖  
裔向例陪祀五人。皆曲阜籍。由衍聖公帶領。此  
次衢州孔氏南宗五經博士帶領二人。查與各  
氏博士帶領人數亦符。但不行區別。恐致牽混。  
嗣後請定為曲阜五人。衢州二人。又

元聖裔向例陪祀二人。係山東之東野氏。今陝西姬  
氏。於乾隆四十三年蒙

恩添設五經博士。請

元聖裔照各氏博士。每員帶領二人之例。定為東野氏二人。姬氏二人。又有子裔向例陪祀二人。此次江蘇崇明有氏。由奉祀生有昭熊帶領。與各氏五經博士帶領族人之例不符。且隨從奉祀生之人。若照陪祀後裔之例辦理。則加優轉至過於奉祀生。實未允協。自應照例扣除。現在有氏五經博士。經山東撫臣學臣以山東肥城有氏承襲。俟准襲後。令該博士遵例帶領。又朱子裔向例陪祀二人。查安徽婺源福建建安各有

額設五經博士。此次二人俱係婺源籍。未免偏枯。亦未便照衢州孔氏陝西姬氏之例。嗣後將原定二人。於安徽福建二處分派。定為婺源一人。建安一人。○嘉慶三年。

仁宗睿皇帝臨雍典禮與乾隆五十年同。二十五年諭。朕自嘉慶三年。奉

皇考高宗純皇帝敕旨臨雍講學。一時圓橋觀聽。稱盛典焉。迄今已閱二十餘年。未經舉行。明年仲春上丁。朕親祭

先師。再舉臨雍講學之禮。一應儀節。悉照嘉慶三年

之例。所有應行豫備事宜。著各該衙門先期敬謹辦理。○道光三年。

宣宗成皇帝視學釋奠。○咸豐三年。

文宗顯皇帝視學釋奠。

獻功祭告。○康熙三十五年覆准。平定額魯特噶爾丹朔漠永清。仿王制天子出征執有罪反。釋奠於太學以訊馘告之禮。遣官釋奠於

先師。勒石太學。與致祭

闕里禮並行。○雍正二年。以平定青海。遣官釋奠於



先師。勒石太學。與康熙三十五年同。○乾隆十四年。  
以平定金川。遣官釋奠於

先師。勒石太學。與雍正二年同。○二十年。以平定準  
噶爾。遣官釋奠於

先師。勒石太學。與乾隆十四年同。○二十五年。以平  
定回部。遣官釋奠於

先師。勒石太學。與乾隆二十年同。○四十一年。以平  
定兩金川。遣官釋奠於

先師。勒石太學。與乾隆二十五年同。○道光九年。以  
平定回疆。

宣宗成皇帝釋奠於

先師。勒石太學。

因事祭告。○雍正二年。曲阜廟災。

世宗憲皇帝具素服。

親詣太學祭慰。○七年十二月。以重修

闕里

聖廟。慶雲見於曲阜。

世宗憲皇帝親詣太學祭告。○乾隆三十二年奏准。興  
修

聖廟。照欽天監所選吉期動土興工。前期恭請

神牌暫於潔淨寬敞之室供奉。照例遣官一人行祇告禮。祭畢。禮部尚書率太常寺卿上香。行三跪九叩禮。太常寺官恭捧

神牌敬謹供設後。復上香行禮如初。興工日。遣官各一人告祭

后土

司工之神。所有遣官及告祭事宜。交太常寺查辦。祝文由翰林院撰擬。

朔望釋菜。○順治二年定。每月初一日。

聖廟行釋菜禮。設酒芹菓粟。祭酒於

先師位及

四配位前三獻。

十哲兩廡位前。以監丞博士等官分獻。次詣

啟聖祠行禮。分獻官亦隨行禮。十五日。司業上香  
行禮。與朔日同。

亞聖廟從祀。乾隆二十一年覆准。

孟廟配饗從祀各主。尚仍侯伯封號。未協禮制。今  
改書先賢先儒。樂正克。公孫丑。萬章。公都子。四  
人。皆稱先賢某子。陳臻。屋廬。連陳代。高子。孟仲  
子。充虞。徐辟。彭更。咸邱蒙。桃應。季孫子叔。浩生

不害益成括及從祀之唐臣韓愈宋臣孔道輔。  
皆稱先儒某氏某。以昭畫一。